



Ein cyf/Our ref VG00011/23

Paul Davies AS
Cadeirydd, Pwyllgor yr Economi, Masnach a Materion Gwledig

12 Ionawr 2023

Annwyl Paul

Yn ystod cyfarfod Craffu Cyffredinol Pwyllgor yr Economi, Masnach a Materion Gwledig ar 7 Rhagfyr, cytunais i roi ymateb ysgrifenedig i'ch cwestiynau ynghylch ymchwil ac arloesi na lwyddom yn anffodus i'w trafod yn ystod y cyfarfod.

Yn ein sylfaen arloesi ac ymchwil sefydledig, nod datblygu strategaeth arloesi ynghylch twf a sgiliau ar draws Llywodraeth Cymru yw sicrhau bod y gwaith arloesi yn canolbwyntio ar gyflawni effeithiau yn erbyn ein heriau mwyaf sef poblogaeth iachach, newid hinsawdd a gwytnwch ac adfer yr economi. Gobeithiaf fod yr atebion i'ch cwestiynau yn rhoi'r manylion rydych chi eu hangen.

Mae'r Pwyllgor yn nodi bod y Llywodraeth wedi cyhoeddi dadansoddiad o'r ymatebion i'w hymgyngoriad ar ei [Strategaeth Arloesi i Gymru](#) – a oes unrhyw ddiweddariad pellach ynghylch sut y mae fersiwn derfynol y strategaeth yn cael ei datblygu?

Ar hyn o bryd, mae'r strategaeth yn cael ei hailddrafftio er mwyn ymdrin ag adborth a gafwyd gan randdeiliaid wedi'r broses ymgynghori gyhoeddus a sesiwn bord gron dethol gydag arweinwyr barn allweddol ar arloesi, a chyda mewnbwn Gweinidog yr Economi a'r Aelod Dynodedig o Blaid Cymru.

Canlyniad hyn fydd strwythur syml newydd ar gyfer y strategaeth sy'n cynnwys pedair prif thema gwaith sef yr Economi, Addysg, Iechyd a Llesiant a Hinsawdd a Natur gyda phwyslais trwy gydol y rhain ar gydraddoldeb, diwylliant o arloesi a chydweithio. Mae swyddogion ledled y meysydd polisi yn ailddrafftio'r strategaeth ar hyn o bryd a bwriadwn ei chyhoeddi yn y flwyddyn newydd.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Vaughan.Gething@llyw.cymru
Correspondence.Vaughan.Gething@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Sut y mae'r Gweinidog yn ymateb i randdeiliaid sy'n dweud bod y strategaeth arloesi ddrafft yn rhy eang, bod ganddi ddiffyg ffocws a diffyg canlyniadau mesuradwy?

Ni ddylem gyfyngu ein hunain gan y gall Arloesi effeithio ar cyn gymaint o bethau mewn cyn gymaint o feysydd. Dyna'r rheswm felly y mae'r Strategaeth Arloesi yn arddel dull integredig i nodi gweledigaeth ynghylch sut y gall arloesi gefnogi'r gwaith o gyflawni ymrwymadau'r Rhaglen Lywodraethu ar draws bob portffolio. Mae adrannau a phortffolios Llywodraeth Cymru yn ymwybodol o'r gwaith sydd o'n blaenau ac maen nhw wedi ymrwymo i barhau i weithio gyda'i gilydd er mwyn gwella gweithgareddau i gefnogi'n nodau.

Ar ôl cyhoeddi'r strategaeth, bydd Cynllun Gweithredu yn cael ei lunio a fydd yn nodi sut y bydd Llywodraeth Cymru yn rhoi'r strategaeth ar waith. Rydyn ni'n cydnabod mai ond rhan fach o'r ecosystem arloesi yng Nghymru ydyn ni, fodd bynnag, mae'n bwysig bod pawb yn chwarae eu rhan wrth fwrw ati i gyflawni yn erbyn y weledigaeth.

A ydych chi'n bwriadu cyhoeddi'r sylfaen dystiolaeth a ddefnyddiwyd gennych i lywio'r gwaith o ddatblygu'r strategaeth arloesi hon?

Rydyn ni wedi ymrwymo i dryloywder llawn ac rydyn ni eisoes wedi cyhoeddi'r canlyniadau ymchwil cynnar, y canlyniadau yn dilyn ymgysylltu â rhanddeiliaid yn ogystal â dadansoddiad o ymatebion yr ymgynghoriad. Bydd rhagor o dystiolaeth ategol yn cael ei chyhoeddi gyda'r strategaeth.

Pa ymrwymadau penodol o ran cyllid y bydd Llywodraeth Cymru yn eu gwneud er mwyn cyflawni nodau'r strategaeth arloesi ac ymchwil?

Ar ôl cyhoeddi'r strategaeth arloesi, byddwn yn cyhoeddi Cynllun Gweithredu a fydd yn nodi ein cynlluniau o ran cyllido, ein cymorth a'n hymrwymadau yn fanylach.

Pryd fyddwch chi'n ymateb i'ch ymgynghoriad ar y Strategaeth Arloesi ddrafft, ac a oes modd ichi roi diweddariad ar hynt eich gwaith o ran cyhoeddi'r strategaeth derfynol yn llawn?

Mewn ymateb i'r adborth a'r dystiolaeth a gafwyd o'r ymgynghoriad, mae swyddogion yn ailddrafftio'r strategaeth ar hyn o bryd. Bwriadwn gyhoeddi'r strategaeth derfynol yn gynnar yn y flwyddyn newydd.

Yn gywir



Vaughan Gething AS/MS
Gweinidog yr Economi
Minister for Economy